

anke la birodoro plezis a me. Kelke torporeskis : mea kapo, mea pedi, anke mea anmo, kande me sideskis. Me klozis mea okuli, e pos ke me glatigis mea fronto, e me levis l'okuli, me povis circumregardar plu quiete.

Tri homi sidis an la kontrea tablo. La spozino... bela, blonda kreuro, lua reda paliochapelo ligis anke lua orel, quale la kaptuko, nur lua du chamea harlokli eskapis ol... me dicis, la spozino sidis an la supra fino dil tablo, apud la parieto, sub la spegulo : sinistre apud el lua spozulo, neimportanta, ma sat bonforma homo, e dextre miniona yunulo, qua forsan kelke koncernis el, e quan me konocas ek la parlamento.


Me salutis adibe, la yunulo retrosalutis... ma precize nur en ta minuto lu levis sua okuli del homino. Advere la spozineto esis charmanta, quale el drinkis. Nigra, dolca, printempala biron... ma glutedope e retroflexante sua kapo, quale la mikra gansi, ek la krucho di lua spozulo, ed ante e pos omna gluto el frotis la krucho kontre la tablotuko, segun Germana kustumo. Plezuro esabus puntizar per mikra kisi lua kolo, del mentono til lua sternumo, lua brakio de la pinto di lua mikra fingro til lua kudo.

La yunulo forsan pensale anke facis to... il quaze anke pintizis sua boko. Ma pose il kaptis su, e komencis naracar ula drola kazo, qua eventis a yuna komto, kun qua il esis en chasado... esis kin kloki posdimeze, kande li retrovenis aden la kastelo, l'olda komtino ekvehis... e tale plus~~e~~ e tale pluse. La spozineto ridetante askoltis il, el anke animis il kelkafoye per kelka question, la yunulo sempre plu multe absorbesis da la diskurso, e plektis, longigis ed akompanis ol per gesti, e lua okuli brilis pro to... kande subite la voco restis en lua guturo, lua mentono falis, ed en la subite aparinta opresanta silenco la spozineto pavoreskinte regardis aden lua redeskinta vizajo.

Quo eventis ? Nulo, vere nulo, me esas ta qua povas dicar, ke nulo. Entote tanto, ke kelke anke mea regardo restis sur la vizajo dil bela vicinino; la kruchon de biro, quan la garsono pozis avan me recente, neremarkite, evidente anke nevolite me levis, e batis lua fundo kontre la tabloplako, e la bela kreuro (la bona deo benedikez el pro to !) nevolite rideteskis, nevolite kontrershokis e nevolite kontreregardis, instante.

Tanta esis la toto... e la bona yunulo vere ne devabus tante alterar pro to. Or, il esis hororigive alterinta; on ne plus povis audar un parolo di il dum la tota plusa vespero. Me ridetante regardis il... quale la adulta homo regardas l'infanto. Me sentis, ke me existas en la mondo, e me konsideris to kom tre naturala. Ed esis drola ta miniona yunulo, qua stuporigesis e desesperis pro to, quale pro ula novajo, ke anke altra viro existas en la mondo, ne nur itu.

Tradukita da Jozsef Erdös (Budapest).










CIENCO : DORMANTA MORBO

Ciencisti che la Universitato di Rockefeller, Usa, exploras la sango-parazito tripanosomo, qua lojas en brutari ed homi. La homala afliktado esas "dormanta morbo", e dum singla yaro, mortigas cirkum 200 000 personi. La portanto esas insekto, la ceceo-musho. Ke la parazito esas la mikra un-celulala tripanosomo. Ta parazito esas tre sucesoza pro ke ol chanjas lua extera proteini ye singla tri o quaresma dio, e balde la homala imunesal sistemo aplastesas. Vacin-sero esas ne-utila pro ke la rapida chanji ed existanta drogi esas kelke nociva a la homi. Quankam 75% ek la geni en tripanosomi ne similesas olti di altra vivanta enti, la nekustumala proteini quin ol facas, esos forsan moyeno kombatar kancero o plulongigar la vivo dil celuli di la homi.

R.A. Stevenson

LA MISTERIOSA STELO





Rapi dege!




Me ne Anesaa
de digon ta flago.



Maleliko! Sua flago a perteni!





Tu noko ma
tuigo po'u
ad me la'arato!



Yin el
maromas



Yen Milou qua rapuntas
Va. Su esis tre desparanta.
Wouah!



(duro sequos)